

"Worldwide Exhibition"
Museo Numismatico
preparando pa presenta nan
proximo exposicion di placa



ORANJESTAD (AAN): Cada cierto tempo, Museo Numismatico ta presenta un exposicion nobo relaciona cu nan coleccion di placa.

Pa haya sa kico ta e plan nan cu Museo Numismatico tin pa e lunanan benidero, DIARIO a tene un entrevista cu su directora, Sra. Desiree Croes kende a duna di conoce cu nan ta bezig caba durante dos aña trahando riba nan proximo exposicion cu a ser denomina: *"Worldwide Exhibition"*.

Esaki ta un exposicion cu tin placa di full mundo, mas di 400 pais, den vitrinanan cu nan mes a diseña. A agrega cu riba e top di e vitrinanan nan ta bay tin exposicion di Prome y Segunda Guerra Mundial, cu ta e placa cu a circula durante e epoca aki.

A indica cu tambe, nan ta bay cambia e di dos camber y nan ta bay pone eynan e placa di e epoca Primitivo-Anciano patras y dilanti nan ta bay bin cu un exposicion cu ta bay yama *"Aruba ta saluda Merca"*.

Den e camber aki, nan ta bay tin tur placa di Merca den e cu nan a bira independiente. Door cu 80 por ciento di nos bishitantenan ta mericano, nan ta bay haci e camber aki, un camber mericano. Ora cu e turistanan drenta den e museo, nan ta bay haya un sorpresa pa topa nan mes eyden y na e forma cu e museo ta bay presenta,

segun Croes, su welo, Sr. Jurjo Mario Odor (q.e.p.d.), a compila e coleccion com-

Tur esakinan ta cambianan cu ta bay bin pa aña 2008. *"Otro aña, Museo Numismatico ta bay conoce un cambio den exposicion. Un cambio hopi grandi"*, a expresa.

Museo Numismatico ta spera cu pa e periodo di vacacion otro aña, cu e exposicion aki por keda cla.

Desiree Croes a indica cu e no kier priminti nada, pasobra locual nan ta haci ta rekeri hopi trabao. E por cay atras, tin cosnan cu ta inespera y cu mester tene cuenta cune.

Ta importante pa bisa cu e mihor aña di museo no a yega ainda, Desiree a enfatiza. *"pasobra ainda esaki no ta nos mihor. Mi ta kere hopi hende ta orguyoso di nos na Aruba y hasta mi ta kere tur bishitante di rond mundo cu ta bin, nan ta orguyoso pasobra nan ta manda placa pa mi, di tur parti mi ta haya placa, pasobra nan kier pa mi tin placa di nan pais, pero ainda falta lo mihor di nos, anto esey mi ta kere ta 2008-2009, e ora ey lo nos ta bay presente"*.

Tur e trabaonan aki ta tumando lugar conhuntamente cu Ruben Odor cu ta un historiador tras di e placa. E trabao ta uno hopi completo cu ta cuminsa cu relacionnan publico, informacion riba internet, poster, potret, etc. Henter un plan di mercado tin tras di dje, segun e experto.